



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnium hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

Raemond, Florimond de

Coloniae Agrippinae, 1655

III. Mars & Iupiter in Luthero insolentiam & contumaciam demonstrant.

urn:nbn:de:hbz:466:1-10880



Feruet mundus (ait Iunctinus Lib.3.) huius schifmate, quod quia Martem admixtum habet, & Caudam soluitur in seipso infinitaque reddit capita. (nota hic tot hæreses ex vna Lutherana exortas) ut si nihil aliud errorem conuincat multitudo ipsa opinionum ostendere tamen possit, cum veritas vna tantum sit, plurimos necessario aberrare. Cardanus vero Lib. de cent. Genit. vbi de Lutheri natiuitate agit, Martem, inquit, Venerem & Iouem circa spicam Virginis in alterius hemisphærij Meridiano coniungi, eique coniunctioni vim aliquam esse decre-

tam, sed sine scepro quod omnes Planetæ in altero hemisphærio existant, & spica Virginis semper proposito suo Religioni velut moderetur. De cetero Solem & Saturnum cum stella Libræ Australis in loco futuræ magnæ coniunctionis, hæresis huius robur demonstrare, quum triplicitas illa iamdiu dominata sit: verum Saturnum Soli coniunctum per tantos motus, nullam ei promittere dignitarem.

III. Habes duorum de Lutheri natiuitate Astrologorum iudicium, de qua alij eadem fere senserunt,

ferunt & prodiderunt, illud imprimis quod Mars & Iupiter in tertia domo sibi occurrentes, defectiōnem ipsius significat. Saturnus quidem & Iupiter magna producat ingenia, sed vaga atque errabunda. Mercurius & Venus eloquentes faciunt & disertos, sed eosdem mendaces, Mars & Mercurius in Scorpionis signo occurrentes, homines ad decipiendum aptos, & in defendendis erroribus insignes sophistas. Mars, Mercurius & Luna, nullo alio interposito, promptos, acutos & subiles, sed vastos & versipelles. Et sicut Mars & Venus libidinem mirifice incendunt, etiam quando iidem in Capricorni signo, Mercurio ibidem existente, congregiuntur: sic Mars & Iupiter in Scorpione sibi occurrentes, conscientiam vehementer perturbant & irrequietam faciunt, uti Lutherus accidit, quem fidem abnegaturum, & nefarium veræ religioni bellum illaturum, iidem Planetæ demonstrarunt. Quod si duo hi Planetæ, Iupiter & Mars, in Libra aut Aquario constituti, & Luna in Geminis aut Libra fuissent oppositi cælestium is siderum positus ingenium producturus fuerat omnibus dotibus perfectum, & ad omnium rerum capiendam notitiam habile & accommodatum. Hic verò est contrario omnia significant animam dubiosum, vagabundum, & schismaticum: quod idem in Philippi Melanchthonis qui Lutheri quidem fuit discipulus, sed novam postea sectam eudit, genitum fuit observatum.

IV. Nec verò inania hæc sunt ocioforum hominum figmenta; sed experientia optima rerum magistra, & vera iudicij norma, ab astris quæ natiuitati nostræ præsent, non solum qualis vitæ nostræ futurus sit exitus, verum etiam nascentium tam virtutes quam vitia significari, demonstravit. Hanc confessionem, vel ab inuitis ipse euentus extorquet: nec rationes quæ forte contra allegari possent, experientiam falsitatis convincere possunt. Sic Astrologi, Ciceronis c. xxv. annis ante natum Salvatorem, v. sextilis vii. hora, lvi. minutis ante meridiem nati schema describentes, in horoscopo eius Mercurium & Venerem in secunda Virginis facie annotarunt: unde de admirabili summi huius Oratoris eloquentia Astrologi coniecturam fecerunt: quam similis Erasmi hominis sua ætate disertissimi natiuitas comprobavit, quæ incidit in annum M. cccc. lxxvi. diem Oct. xvii. vt. horam & xxxi. minuta post meridiem. Idem in Bæbo sub simili constellatione nato fuit observatum. In Saronarola ambitiosa superbia, quæ is Prophetam se-

postea ferre non erubuit, ab iisdem Astrologis de genitura eius themate notata & prædicta fuit, natus n. fuit Anno. M. cccc. lxx. die Sept. xx. hora v. & xlii. minutis à meridie, Venere & Saturno coniunctis & Luna in hemisphærij Meridiano constituta: eamque ob causam tanto ille Astrologi profecturus est odio, ut Pico Mirandulæ Comiti contra eam calamum stringendi auctor fuisse credatur. Insignis doctrina & eruditio Hermolai Barbari, Anno M. cccc. lxxi. die xxi. Maij, v. hora & x minutis nati, in eiusdem generis themate promissa fuit. Habuit enim Mercurium soli in cauda draconis coniunctum, in tertia domo, & in domicilio suo Lunæ oppositum: quæ positura, secundum Protonem doctrinam, ratam & exquisitam eruditionem designat. Silentio hic disertum & eruditissimum virum Panigarollam, Athesensem Episcopum, præterite nec debeo nec volo: Is lucem hanc ætimum aspexit Anno M. d. xxviii. die xxvi. Ianuarij, hora xiv. & xxxv. minutis post meridiem; Lunam habens in horoscopo, & Mercurium in tertia domo Aquarij. Et quia in eius natiuitate Mercurius Lunam respiciebat, & Mars in sextili erat aspectu, facile inde colligi potuit Oratorem fore eloquentissimum, summo iudicio & memoria præditum. Sed ne verba mea & sententiam quis calumnietur, aliterque quam par est, accipiat, iterum dico, Deum primam & supremam rerum omnium causam esse. Solus ipse causarum tam necessariorum quam contingentium videri ordinem & dependentiam. Et licet tam diuersi casus ac tam varij reum humanarum euentus solius Omnipotentis cognitioni ac voluntati referantur, aut certe ab ipso cælestibus illis faculis inscripti, & ad cognoscendum quodammodo propositi sint (neque enim hanc quæstionem tot disputationibus vexaram, neque vniquam decisam, ulterius persequi mihi est animus, vnicuique illud operam danti, ut intra Catholicæ Apostolicæ Romanæ Ecclesiæ septem continetam) nihil tamen in conuersione est Deum per secundas & subalternas causas agere, sic inter se apertas & colligatas, ut voluntatem eius omnia respiciant, eique obediunt, ac sæpe nobis tam bona quam mala, quæ in vita nobis euentura sunt in ipso limine prædicant. Sed, ut dixi, curiosus in ista inquire mihi non est animus, ad præcipuum scriptio- nis meæ scopum & materiam properanti. Noui ego virium mearum imbecillitatem: ac simul in quod theatrum prodierim sentio. Illud tantum cum Poeta disciplinarum osoribus occino:

Quisquis